

[Augsburg], 28. September 1571

An Theodor Zwinger

UB Basel, Fr. Gr. I 11, fol. 336r.

S. Theatri tui exemplum me à Willero accepturum, Clariss[ime] vir, D[omine] et amice colende, compater meus D. Ostermannus superiorib[us] diebus mihi indicauit. Pro quo tam excellenti munere et insigni liberalitate singulares gratias ago et habeo, referendi facultate destitutus. Iussi quidem Episcopium tibi dare Demosthenem. Sed est haec planè Diomedis et Glauci permutatio, χάλκεα χρυσείων. Verùm non molestè fero, me, ut ingenio, doctrina, dignitate, sic etiam officijs, quae plurima mihi et necessaria praestitisti, et munificentia ab eo viro superari, qui eò se <...>iorem esse persuasum habet, quò pluribus benefecerit. Vale. 28 Septembris. 1571.

Hiero[nymus] Wolfius  
Tuus.